

U petak, 31. maja 2019. godine učenici III-1 odjeljenja, zanimanje turistički tehničar, sa nastavnicom Mubinom Mujačić bili su u posjeti Parlamentarnoj skupštini Bosne i Hercegovine.

Parlamentarna skupština Bosne i Hercegovine je, u cilju da javnost upozna sa svojim značajem i radom, pokrenula Projekat „Otvoreni parlament“ od 2006.god. Partneri u realizaciji ovog projekta su Misija OSCE-a u BiH i NVO Omladinska informativna agencija (OIA) koja kroz svoju mrežu animira mlade posjetitelje.

Tako su i učenici ove Škole bili gosti Centra za posjetioce Parlamentarne skupštine BiH. Pogledali multimedijalnu prezentaciju o historiji, značaju i osnovnim funkcijama najvišeg zakonodavnog tijela BiH. Obišli parlamentarne dvorane i knjižnicu, dobili publikacije i biltene.

Riječ je o edukativnoj posjeti u sklopu koje su se učenici upoznali sa ustrojstvom i radom ove institucije. U tome su nam pomogli i bili naši domaćini zaposlenici iz Odjela za odnose sa javnošću.

Tokom obilaska učenici su imali priliku upoznati se sa načinom donošenja odluka na sjednicama parlamentarnih domova, sistemu glasanja, rasporedu sjedenja u salama - za poslanike i delegate, predstavnike stručnih službi, Vijeća ministara BiH, te predstavnike medija, nevladinog sektora i međunarodnih organizacija sa programskim ciljevima u BiH.

Iz ove posjete ponijeli su lijepa iskustva i nova saznanja.

Ovakav način edukacije značajan je radi proširivanja opšteg znanja učenika kao i radi približavanja materije koju učenici izučavaju u trecem i četvrtom razredu.

